

集部輯佚文獻彙編

翟金明

主編



國家圖書館出版社

95

集部輯佚文獻彙編

95

新出 留聲

并選作詩書圖

(北周)庾信撰

庾子山集

明崇禎十一年(1638)香谷山房刻《漢魏別解·南北朝文》本

第九十五册目錄

別集(九十五)

北周(五)

庾子山集 (北周)庾信撰

庾開府集 (北周)庾信撰 (明)葉紹泰輯

庾子山文抄一卷 (北周)庾信撰 (明)李賓輯

庾子山全集十卷(卷一—四) (北周)庾信撰 (清)吳兆宜箋注

序

本傳

凡例

諸家詩評

目錄

卷一

二七三

二四三

二三五

二三一

二二七

二〇七

八九

六一

一

卷二

.....

三五七

卷三

.....

四五三

卷四

.....

五四三

南北朝別辭卷之十六目錄

北周文

庾子山集

庾信

賀平鄴都表

賀新樂表

為閭大將軍乞致仕表

功臣不死王事請門襲封表

為晉陽公進玉律秤尺斗升表

謝滕王集序啓

謝趙王示新詩啓

三月三日華林園馬射賦序

哀江南賦序

思舊銘序

擬連珠

周使持節大將軍廣化郡開國公立乃敦崇傳

上柱國齊王憲神道碑

中說

隋文

王通

王道

天地

事君

問易

述史

立命

元經

薛收

晉惠帝即位

匈奴攻北地

河間王顯殺齊王冏

惠帝至自長安

晉元帝即位

帝下詔徵戴逵龔玄之

宋高武帝受晉禪弒恭帝

屠赤文
曰起有
局陣

南北朝文別解卷之十六

北周文

庾子山集

賀平鄴都表

庾信

臣聞太山梁父以來。即有七十二代。龍圖龜書之後。又已三千餘年。雖復制法樹司。禮殊樂異。至於文離武落。刻札弦弧。席卷天下之心。包含八荒之志。其揆一矣。伏惟皇帝陛下。握天樞。秉地軸。駕馭風雲。驅馳龍虎。沉雄內斷。不勞謀于力牧。天策勇決。無待問于容成。是以威風所振。烈火之遇鴻毛。旗鼓所臨。衝風之卷秋葉。竊聞伊洛戎夷。

層赤水
白電旌
羽蓋耀
耀一世

幽并僭偽抱圖載籍已歸丞相之府。銜玉繫綬並詣中軍之營。百年
逋誅。遂窮巢窟。三代敵愾。俄然掃蕩。昔周王鮪水之師。尚勞再駕。軒
轅上谷之戰。猶須九代。未有一朝指麾。獨決神慮。平定寓內。光宅天
下。二十八宿止餘。吳越一星。千二百國。載漏麟洲。小水若夫咸康之
年。四方始定。建武之代。諸侯並朝。不得同年而語矣。雖復八風並唱。
未足頌其英聲。六樂俱陳。無以歌其神武。坐釣臺而誓衆。如啓繼夏
禹之功。入商郊而問罪。姬發成周文之志。無改之道。大孝也。歟。當今
鹿臺已散。離宮已遣。兵藏武庫。馬入華山。立明堂之制。奏太武之樂。
盛矣哉。上天降休。未之有也。政須東南一尉。立于比景之南。西北一

侯置於交河之北。然後命東后詔蒼冥。檡壇琬碑。銀繩瓊檢。告厥厥功。差無慙德。臣忝竊榮幸。蒞政東藩。不獲躬到闕庭。預觀大慶。不勝鳬藻踊躍之至。謹遣主簿陪臣曹敏奉表以聞。

葉紹泰曰：武帝有混一區宇之略，惜年不逮耳。觀其決策伐齊，同謀者三臣而舉朝莫覺也。及入齊境，下令軍中伐樹犯稼者斬。至獲齊主緯而待以賓禮，旌斛律光而錄其子孫，克敵安民，略不世出。近代之英主矣。

[illegible]

賀新樂表

度信

臣聞天地順動。則雷出為豫。聖人成功。則風行有節。故大德在咸池之官。山谷可調。八風入承雲之奏。人神不雜。我太祖文皇帝。體國經野。設官分職。變魏作周。移風正雅。衣裳而朝萬國。珪璧而會諸侯。至如經綸圖籍。校讐煙燼。樂正無缺章。秩宗無廢典。豈但商頌十篇。得諸太師之室。虞書五禮。取於恭王之宮。伏惟皇帝。以下武嗣典。中陽繼業。運日月之明。動淵泉之慮。律歷著微。無煩于太史。陰陽畧度。躬定於天官。故得參考八音。研精六代。封爵魏為二王。序殷周為三恪。雖復朱干玉戚。尚識典刑。素鼓纁裳。猶自雄據。未若山雲特起。八卦

看赤水
曰烘煇
有澤出
十壯運
入于鴻
蒙

成○形○鳳○凰○于○飛○九○州○觀○德○改○金○奏○于○八○列○台○天○元○于○六○舞○聲○合○擊○石○
更○入○登○歌○調○起○初○鐘○還○恭○玉○管○以○感○天○地○而○通○神○明○康○帝○德○而○光○
玄○象○昔○者○齋○居○玄○扈○為○曲○在○于○雲○門○師○度○盟○津○習○舞○歸○于○山○立○遂○乃○
包○括○三○名○克○諧○一○代○作○者○之○謂○聖○天○之○所○啓○乎○豈○惟○路○鼓○靈○鼗○空○春○
孤○竹○廣○矣○大○矣○輪○焉○與○焉○是○知○零○陵○孝○廟○空○傳○玉○管○始○平○太○守○虛○稱○
銅○尺○臣○等○並○預○釣○天○同○觀○張○樂○軒○墀○弘○敞○欄○檻○眺○聽○崇○牙○業○業○
邁○邁○翠○鳳○揚○旌○靈○鼗○樹○鼓○香○冥○雲○霧○蕩○薄○丘○陵○醴○泉○與○甘○露○同○飛○
雁○與○班○麟○俱○下○聘○魯○請○觀○理○當○見○其○盛○德○遠○邇○忘○味○寔○是○知○其○盡○矣○
昔○淵○魚○聽○曲○尚○得○聳○鱗○樞○馬○聞○絃○猶○能○仰○秣○臣○等○誠○愧○知○音○敢○忘○悅○

豫若使詳其音律。是所邈然。但能記其鏗鏘。於茲為幸。不勝慶悅之誠。謹詣朝堂奉表以聞。

葉紹泰曰。宇文泰崇尚質素。以古道治周。再傳至武帝。誅護滅齊。定禮作樂。梁世宗來朝。帝饗之酒酣。世宗起舞曰。陛下親撫五絃。臣敢同百獸。雖離諛而事陋。然不可謂非小康之治。近俗之音也。

